

## **Herrgott aus Staa**

**In Ottakring draußt in an uralten Haus  
in dem Hof in der Speckbachergass'n  
is' g'lahnt ganz verstaubt, seiner Zierde beraubt  
a Herrgott aus Sta'n so verlass'n  
i' hab' eahm entdeckt  
und als Kind dort versteckt  
mei' Kittröhrl und meine Stoll'n,  
denn die größer'n Buam war'n, auf die Stoll'n wiea d'e Narr'n  
a's Kittröhrl hätten's ma g'stohl'n**

**Herrgott aus Sta'n - Du, nur alla'n  
hast mi' als Biabl verstanden  
Hast mein Besitz - immer beschützt  
bist wie a Freund davor g'stand'n  
oft hab' i' g'want - mich an Di' g'lahnt,  
denn Kindersorgen san' groß  
Herrgott aus Sta'n - Du, nur alla'n  
Du warst mei' anziger Trost**

**Ja, des is' scho' lang her  
von dem Haus steht nix mehr und Ottakring, hat si' verändert  
heut wird überall baut ollas Oide zerhaut  
a' die Menschen, d'e hab'n sich geändert  
i' fahr' öfter no' raus, denn mei' Muatta wohnt draußt  
und wiea i' so hingeh' zu ihr  
ja, da liegt ganz verlassen, zashlogn auf der Straß'n  
mei' sta'ner Herrgott vor mir**

**Herrgott aus Sta'n - i' glaub' mia zwa  
hab'n uns no' rechtzeitig g'fund'n  
Hast mein Besitz - immer beschützt  
bin Dir als Freund no verbunden  
i' trag Di' ham - und pick' Di' z'samm'  
san' Deine Schmerzen a groß  
Herrgott aus Sta'n - Du nur alla'n  
Du warst mei' anziger Trost**